



CAMPAÑA DE CROWDFUNDING PA CREAR UN FRENTE XURÍDICU DE CONSERVACIÓN DEL CORDAL CANTÁBRICU

Seis organizaciones ecoloxistes con amplia implantación na cornisa cantábrica xunen les sos fuercies pa emprender, col respaldu d'una campaña de donaciones, un fondu xurídicu col qu'impulsar acciones ilegales pa evitar la destrucción de les montañes cantábriques ante la gran cantidá de proyeutos eólicos a gran escala.

Les entidaes impulsores del proyeutu son la Plataforma para la Defensa de la Cordillera Cantábrica, la Asociación para a Defensa Ecolóxica de Galiza (ADEGA), la Plataforma para la Defensa de los Valles Pasiegos, la Plataforma Bierzo Aire Limpio, la Sociedade Galega de Ornitoloxía y la Mesa Eólica de Las Merindades de Burgos.

El proyeutu, que lleva por títulu Fondu para la Defensa Xurídica del Cordal Cantábricu (fdicc.org), cuenta cola participación d'un destacáu grupu de xuristes: María Ángeles López Lax, Olga Álvarez García, Víctor Álvarez Bayón, Antonio Ruiz Salgado, María Luz Ruiz Sinde, Fernando Adolfo de Abel Vilela. Toos con experiencia en drechu ambiental y urbanísticu y la mayoría miembros de la Rede d'Abogaes y Abogaos pa la Defensa Ambiental (RADA)

Será la plataforma migranodearena (<https://www.migranodearena.org/reto/fondo-para-la-defensa-juridica-de-la-cordillera-cantabrica>) portal líder en crowdfunding de donaciones, la que dea espaciu a esta campaña que se marcó como oxetivu económicu llograr los 40.500 euros, de los cuales casi un 80 % tará destináu a aiciones xurídiques impulsaes poles entidaes promotores, a aofitos ilegales y técnicos a otres entidaes y a construyir un portal web llibre y gratuítu con accesu a asesoramientu. El Fondu para la Defensa Xurídica del Cordal Cantábricu pretende recoyer, atender y sofitar les sensibilidaes de las numberoses iniciativas llocales que surdieron nos caberos meses, dende les montañes gallegues orientales al norte burgalés, dende l'occidente asturianu a los valles pasiegos, dende El Bierzo hasta les montañes lioneses y palentines.

Les entidaes promotores de la iniciativa destaquen el so compromisu coles enerxíes renovables -principalmente a pequeña escala basaes nel autoconsumu o na proximidá de los grandes polos d'uso enerxéticu-, si bien apunten a l'actual falta de planificación y ordenación territorial y a la nula sensibilidá ambiental que muestren munchos de los proyectos en tramitación nel norte d'España, con iniciativas n'entornos d'enorme interés medioambiental y paisaxísticu.

Por ello, con esti proyeutu centrarán los sos esfuerzos xurídicos n'analizar los defectos en proyeutos y nes normas sobre les que deben pivotar los mesmos, na falta de zonificaciones vinculantes que contemplan la esclusión de grandes proyeutos de les zones con alto grau de biodiversidá, xeodiversidá y valor paisaxísticu.

La situación que se vien produciendo nos caberos meses, con una montonera de proyeutos en Galicia, Asturias, Cantabria y les provincies de Zamora, Llión, Palencia y Burgos, resulta mui preocupante ante un panorama normativu nel que destaca l'aprobación fae poques selmanes del PNIEC (Plan Nacional Integráu d'Energía y Clima, publicáu nel BOE en fecha 31/03/2021) o l'actual estáu de tramitación de la Llei de Cambiu Climáticu (en tramitación nel Senáu nestos días). Mientres esos dos pilares básicos tan tovía ensin desarrollar, decenes de proyectos tan tramitándose.

Les seis entidaes impulsores cuenten con una dilatada experiencia n'aiciones de defensa del mediu ambiente y de la biodiversidá nell norte d'España y muestren con esti proyeutu el so compromisu pola protección d'un territoriu que sufrió como pocos los efectos de la carbonización (minería y centrales térmiques), los aprovechamientos hidráulicos (grandes embalses) y otres esplotaciones (pizarreres, canteres, biomasa...) que dexaren atrás graves cicatrices nestes montañes. Ensin escaecer que ya son más de 6.000 los aerogeneradores activos dende La Rioja hasta Fisterra.

www.fdjcc.org